

JINSI YA KUISHI UKISHIKWA NA UGONJWA (SEHEMU YA 1 KATI YA 2): KUVUMILIA MATESO KWA SUBRA.

Ukadiriaji:

Maelezo: Hakuna ugonjwa au jeraha linalompata mwanadamu bila idhini ya Mungu.

Aina: [Makala](#) [Manufaa ya Uislamu](#) [Furaha ya kweli na Amani ya Ndani kwa Ndani](#)

Na: Aisha Stacey (© 2009 IslamReligion.com)

Iliyochapishwa mnamo: 03 Dec 2021

Ilirekebishwa mara ya mwisho mnamo: 18 Nov 2021

Kabla ya kuzungumzia jinsi muumini anavyokuwa anapougua au akiumia, ni muhimu kuelewa kile ambacho Uislamu hutufunzwa kuhusu maisha ya ulimwengu huu. Uwepo wetu hapa duniani ni kitu cha muda mfupi tu, ni njiani ya kuelekea kwenye maisha yetu halisi ya Akhera. Aidha peponi au motoni itakuwa makao yetu ya kudumu. Ulimwengu huu ni mahali pa majaribio. Mungu alitumba kwa ajili yetu ile tupate raha, lakini ni mahali pa zaidi ya raha za ulimwengu tu. Hapa ndipo tutatimiza kusudi letu la kweli, tunaishi maisha yetu kulingana na ibada ya Mungu. Tunacheka, tunacheza, tunalia na tunahisi maumivu ya moyo na huzuni, lakini kila hali na kila hisia hutoka kwa Mungu. Tunaichukulia mateso kwa uvumilivu na shukrani na tumaini la thawabu ya milele. Tunaogopa adhabu ya milele na tunajua kwa hakika kwamba Mungu ndiye chanzo cha rehema zote na msamaha wote.



“Na haya maisha ya dunia si chochote ila ni pumbao na mchezo. Na nyumba ya Akhera ndiyo maisha hasa; laiti wangelikuwa wanajua! (yaani uzima wa milele ambao hautaisha), iwapo wangejua” (Kurani 29:64)

Mungu hakutumba kisha akatuacha kwa raha na majaribio ya maisha; bali alituma Mitume na Manabii kutufundisha na Vitabu alivyoteremsha kutuongoza. Pia alitupatia baraka nyingi. Kila baraka hufanya maisha kuwa ya ajabu na wakati mwingine kuvumiliwa. Tukitafakari juu ya uwepo wetu kwa muda mfupi basi baraka za Mungu zinaonekana. Angalia mvua ikinyesha nje, jisikie mng'ao wa jua kwenye ngozi yako wazi, gusa kifua chako na ujisikie mapigo ya moyo wako. Hizi ni baraka kutoka kwa Mungu na tunapaswa kuzishukuru, pamoja na nyumba zetu, watoto wetu na afya zetu. Hata hivyo, Mungu anatuambia kwamba tutajaribiwa, Mola anasema,

"Hapana shaka tutakujaribuni kwa chembe ya hofu, na njaa, na upungufu wa mali na watu na matunda. Na wabashirie wanao subiri." (Kurani 2: 155)

Mungu ametushauri kustahamili majaribio na dhiki zetu kwa uvumilivu. Lakini hii ni ngumu bila kuelewa kuwa kila kitu kinachotokea katika ulimwengu huu kinatokea kwa idhini ya Mungu. Hakuna jani linaloanguka kutoka kwenye mti bila idhini ya Mungu. Hakuna biashara inayoharibika, hakuna ajali ya gari, na hakuna ndoa inayoisha bila idhini ya Mungu. Hakuna ugonjwa au jeraha linalomgusa mwanadamu bila idhini ya Mungu. Ana nguvu juu ya vitu vyote. Mungu hufanya kile anachofanya kwa sababu ambazo wakati mwingine ni zaidi ya ufahamu wetu na kwa sababu ambazo zinaweza kuonekana au zisizoweza kuonekana. Walakini, Mungu, kwa hekima na huruma yake isiyo na kipimo anataka tu kile kilicho bora kwetu. Hatimaye, kilicho bora kwetu ni uzima wa milele mahali pa raha ya milele, Peponi.

"Mola wao Mlezi anawabashiri rehema itokayo kwake, na kwamba ameridhika nao, na kuwaandalia Bustani (za Peponi) wanazo furaha ya milele." (Kurani 9:21)

Katika kila jaribio muumini lazima ahakikishe kwamba Mungu humtakia tu mema. Mema yanaweza kuwa miongoni mwa raha za dunia au ya akhera. Nabii Muhammad, rehema na baraka za Mungu ziwe juu yake, alisema, **"Hali ya muumini ni kustaajibisha kwani mambo yake yote mazuri. Ikiwa kitu kizuri kinamtokea anashukuru na hiyo ni nzuri kwake. Ikiwa jambo baya linamtokea huvumilia na hiyo pia ni nzuri kwake."**^[1] Mungu hutujaribu na majaribio na shida za maisha, na tukivumilia tutapata thawabu kubwa. Kupitia hali zinazobadilika na nyakati za mitihani Mungu hujaribu kiwango chetu cha imani, huhakikisha uwezo wetu wa kuwa wavumilivu na kutufuta dhambi zetu. Mungu ni mwenye upendo na hekima, anatumia vizuri zaidi tunavyojijua sisi wenyewe. Hatutafika Peponi bila huruma Yake, na rehema Yake inajidhihirisha katika mitihani na majaribio ya maisha haya.

Maisha ya ulimwengu huu ni udanganyifu tu. Jambo la faida kwetu ni matendo mema ambayo tuliweza kufanya. Familia ni jaribio kwani Mungu anasema kwamba wanaweza kutupotosha, lakini pia wanaweza kutuongoza Peponi. Utajiri ni jaribio; kuitamani kunaweza kutufanya tuwe na tamaa na kuwa duni, lakini kuipeana na kuitumia kunufaisha wale wanaohitaji kunaweza kutuleta karibu na Mungu. Afya pia ni jaribio. Afya njema inaweza kutufanya tujisikie kiburi na sio kumuhitaji Mungu, lakini afya mbaya ina njia ya kutunyenyekeka na kutulazimisha tumtegemee Mungu. Jinsi mwamini anavyoshughulika na hali za maisha ni ya muhimu sana.

Inakuwaje ikiwa raha za maisha haya ghafla huwa mateso? Je! Mtu anapaswa kuishi vipi atakapopata ugonjwa au jeraha? Kwa kweli, tunakubali tulivyojaliwa na kujaribu kuvumilia maumivu, huzuni, au mateso kwa subira kwa sababu tunajua kwa hakika kwamba Mungu ataleta mema mengi. Nabii Muhammad alisema, **"Hakuna msiba au maradhi yanayompata Muislamu hakuna wasiwasi wala huzuni, madhara au dhiki - hata mwiba ambao unamdunga lakini Mungu atamsamehe kwa baadhi ya dhambi zake kwa sababu ya hiyo."**^[2] Hata hivyo, sisi ni wanadamu wasio wakamilifu. Tunaweza kusoma maneno haya, tunaweza hata kuelewa maoni, lakini kukubali wakati mwingine ni ngumu sana. Ni rahisi sana kuomboleza na kulia juu ya hali yetu, lakini

Mungu wetu mwingi wa rehema ametupa miongozo iliyo wazi na kutuahidi mambo mawili, ikiwa tutamwabudu na kufuata mwongozo wake tutuzwa Pepo na kwamba baada ya dhiki ni faraja.

"Basi kwa hakika pamoja na uzito upo wepesi." (Kurani 94: 5)

Muumini ana wajibu wa kuutunza mwili na akili yake, kwa hivyo kujaribu kudumisha afya njema ni muhimu. Isitoshe unapopatwa na ugonjwa au jeraha ni muhimu kufuata mwongozo wa Mungu. Muumini lazima atafute msaada wa matibabu na afanye kila awezalo kupona, lakini wakati huo huo lazima atafute msaada kupitia maombi, kumkumbuka Mungu na matendo ya ibada. Uislamu ni njia kamili ya maisha, afya ya mwili na kiroho huenda pamoja. Katika sehemu ya pili tutachunguza kwa kina zaidi hatua za kuchukua unapougua na ugonjwa au jeraha.

Rejeleo la maelezo:

[1] *Saheeh Muslim*

[2] *Saheeh Al-Bukhari, Saheeh Muslim*

Anwani ya wavuti ya makala hii:

<https://webcache001.islamreligion.com/sw/articles/2231/jinsi-ya-kuishi-ukishikwa-na-ugonjwa-sehemu-ya-1-kati-ya-2>

Hakimiliki © 2006-2020 Haki zote zimehifadhiwa. © 2006 - 2026 IslamReligion.com. Haki zote zimehifadhiwa.